

# IZVJEŠTAJ

## ORMANJ TRKA 2024



Nosilac projekta



Planinarsko društvo FASTO

Partner projekta



Planinarsko društvo Skakavac

Partner projekta



Udruženje mladih START

Sarajevo februar 2025

## Tabele Sadržaja

Uvod.....	2
Inspiracija i pripreme.....	2
Organizacioni tim i pripreme.....	3
Dan trke.....	5
Zaključak i planovi za budućnost.....	8

## Uvod

Projekat "Ormanj trka 2024" predstavlja kolektivni napor da organizujemo inspirativno i izazovno iskustvo za trkače i zajednicu. Zahvalni smo svim učesnicima i prijateljima koji su učestvovali u ovom događaju.

## Inspiracija i pripreme

Inspiraciju za rutu staze možemo zahvaliti Dervišu Jasiki koji je specijalno za naš blog pripremio priču o nekropoli stećaka i čije smo crteže koristili za izradu vizuelnih materijala. Priča sa crtežima se može naći na linku: <https://ormanjtrail.com/2023/06/13/o-nekropoli-stecaka-krst/>

Motiv sa stećka i motiv sa ulomka pehara pronađenog na brdu Šišan su iscrtani na finišerskim medaljama. Više o motivu sa pehara može se naći na našem blogu: <https://ormanjtrail.com/prica/>

Dobili smo potvrdu [Ustanove za socijalno zbrinjavanje i zdravstvenu njegu odgoj i obrazovanje Pazarić](#) da će vrijedni polaznici Grnčarske radionice izraditi finišerske medalje za trkače čime su nam dali signal da se možemo više da se angažujemo na podršci i saradnji u lokalnoj zajednici.

Pripreme za trku su započele izviđanjem i snimanjem gpx elektronskog zapisa staze još u oktobru 2023. U ovoj akciji smo identifikovali dijelove staze koje je bilo potrebno urediti. Potpuni zvještaj sa izviđanja staze sa fotografijama nalazi se na našem blogu: <https://ormanjtrail.com/2023/10/02/gradac-izvidanje-i-snimanje/>

## Organizacioni tim i pripreme

U prvoj akciji uređenja i krčenja dijela staze izvedenoj 9. marta 2024. učestvovali su predsjednik Planinarskog društva Skakavac Amir Bašić, planinar iz Planinarskog smučarskog društva Pazarić Emir Horman i volonter Denis Hodžić. Krčenje staze koja je godinama bila zapuštena i kojom se dugo nije hodalo bio je prelomni momenat jer sve dok se nije napravio proboj kroz izraslo žbunje na stazi nije se mogla ni zamisliti realizacija trke. Akcija je zabilježena na blogu:

<https://ormanjtrail.com/2024/03/09/proboj/>

U aprilu smo okupili organizacioni tim za trku koji je potvrdio projekat i plan aktivnosti. Za marketing i komunikacije brinuo se Faris Bajrić a za odnose sa zajednicom i sponzorima Dželim Bandić. Koordinaciju volontera preuzeli su na sebe Bakir Neradin i Irvin Korjenić i ustupili resurse Udruženja mladih Start iz Hadžića. Otvaranje prijave za učešće na trci, poziv za volontiranje i poziv za sponzorstva su objavljeni 13. maja 2024.

Narednu radnu akciju uređenja staza za trku napravili smo 22. juna 2024. U akciji su učestvovali Mirza Kazić koordinator za volontere i studenti Fakulteta sporta i tjelesnog odgoja Sarajevo Amila Purišević, Nedim Lepenica, Hanan Čengiđ, Amina Purišević, Arman Abdagić, Hamza Hodžić, Ahmed Mejri i Mirza Avdić. Na vrelom ljetnom danu studenti su pokazali svoju požrtvovanost i uspješno zajedničkim snagama raskršili drugi dio staze prema i oko Gradca. U ovoj akciji volonteri su imali priliku proći pokraj jednog od najljepših stećaka na opštini i kroz kompleks prahistorijske i srednjovjekovne gradine Gradac koji je Nacionalni spomenik Bosne i Hercegovine.

Nažalost, zbog privatnih obaveza organizacioni tim su napustili Koordinator za sigurnost i Koordinator za logistiku.

Početak oktobra smo imali još nekoliko akcija uređenja, finmalnih priprema i markiranja staze u kojima su učestvovali profesor FASTO Elvir Kazazović, Mirza Kazić, Snežana Milošević i Ines a u akciji prije trke su nam se priključili i volonteri Gorske službe spašavanja Hadžići. Podršku sa alatom za uređenje staza nam je pružilo Planinarsko društvo Skakavac. Staza je konačno uređena i pripremljena za trku.

U promociji trke koristili smo naše socijalne kanale Facebook i Instagram i web stranicu. Dobili smo medijsku podršku od Antena radija, TVSA, Face TV. Novčanu pomoć za trku dobili smo od Općine Hadžići i kompanije PI-energies i od par prijatelja trkača koji su nam i na taj način iskazali svoju privrženost i podršku. Poklon bonove donirao je Intersport a nagrade za pobjednike Autotex Pazarić. Podršku u hrani za dan trke dala nam je mesara AEMS i motel FS. Vodu, sokove, stolove i suncobrane su obezbijedili naši vjerni prijatelji i trkači. Voće za okjepne stanice je obezbijedio TR market iz Pazarića a za kuhanje i podjelu graha na dan trke imali smo podršku Oružanih snaga BiH. Projekat su podržali i Ministarstvo kulture i sporta Kantona Sarajevo i Ministarstvo

Dok se približavao dan trke bili smo zabrinuti zbog malog broja prijavljenih trkača. U finalnoj promociji na socijalnim mrežama angažovala se volonterka Sumeja Huskić. U pomoć za finalnu promociju događaju uskočio je Admir Hadžić iz Udruženja svjetlo grada Goražde a volonteri i volonterke udruženja Asja i Emela Hadžić i Sudić Mensur su dali svoju podršku volontiranjem i na samom događaju. Admir nam je u finalnoj promociji svesrdno pomagao u dijeljenju promotivnih

materija, dizajnu plakata, i savjetima. Pripremio je i najavni video sa himnom trke sa kojom nas je počastio Samir Jusufović koji je uz pomoć vještačke inteligencije generisao genijalan tekst i audio aranžman rokenrol benda: [https://www.youtube.com/watch?v=S8yW7h\\_ZwdY](https://www.youtube.com/watch?v=S8yW7h_ZwdY)

### **Zdrava frka (himna Ormanj trke)**

Dobro nam došli odakle god pošli  
medalju ste osvojili čim ste se pojavili

Haj'mo svi na Ormanj trku doživite zdravu frku  
udahni duboko i ispruži korak, život nije tako gorak

Zagrli drvo pomiriši travu, trči s' nama za dušu zdravu  
Pobjednik je od nas svako, u prirodi je trčat' lako

Nastaće sve tvoje brige, o ovome ne pišu knjige  
S jednim prijateljem dođi, s njih deset odavde pođi

Patike navuci, osmjeh nabaci i raziće se svi oblaci  
čim odjeknu naši koraci

Haj'mo svi na Ormanj trku doživite zdravu frku  
udahni duboko i ispruži korak, život nije tako gorak.

## Dan trke

Za nezaboravno veće prije trke posebnu zahvalnost dugujemo Emiru Hastoru koji je podijelio sa nama svoje trkačko iskustvo u predavanju “Od Berlina do Pariza” održanom u planinarskom domu Ormanj pred gostima, trkačima i volonterima.

Volonteri koji su učestvovali u usluživanju trkača na startu koordinirani organizacionim timom na startu/cilju i na prolaznim stanicama trke su Vedad Abdulahović, Almina Rašić, Amir Horman, Dženan Hatić, Emir Horman, Belma Kačar, Anes Kazić, Lamija Sejmenović, Naida Gadžo, Hana Sejmenović, Kenan Fatić, Damir Kriještorac, Merjem Musić, Adisa Gagula, Umma Šošić, Lejla Čović, Mia Jurić, Deni Alijević, Mirza Mrkonja, Eludeila Pivić i Hatidža Bakija. Ne smijemo zaboraviti ni veliku pomoć i podršku oko uređenja i usluživanja na platou trke i domu, Mejra i Osman Kazazović, Rosa Mandić, Nusreta Lihovac i Amir Bašić.

Za fotografije sa cilja i staze možemo zahvaliti Asji Hadžić, Deniju Alijeviću, Snežani Milošević, Dini Šukmanu i Erminu Okeriću. Video materijale snimili su i montirali Edin Dupovac i Ermin Okerić.

Fotoalbumi su objavljeni na Facebook stranici <https://www.facebook.com/ormanjtrail> i ugrađeni u web stranicu trke <https://ormanjtrail.com/fotogalerija/>

Na trkama Gradac i Vilodor održanim u subotu 19.10.2024. ukupno je bilo 98 finišera, 40 na stazi Gradac i 58 na stazi Vilodor.

### **Na stazi Gradac – 13,5 km, postolje su zauzeli:**

I – Belma Baralija 1:58:29  
II – Lorena Đepić 2:04:07  
III – Kanita Granov 2:13:33

I – Džemal Jašarević 1:02:57  
II – Krzysztof Kapusta 1:38:23  
III – Džanan Obuća 1:38:30

### **Na stazi Vilodor – 6,5 km, postolje su zauzeli:**

I – Adna Đogo 53:45  
II – Jasmina Maksumić 1:02:20  
III – Sabina Džehverović 1:05:48

I – Emir Hastor 45:11  
II – Nemanja Stanojević 52:26  
III – Kenan Mašić 54:58






## Zaključak i planovi za budućnost

Iako događaj nije bio bez mana, ohrabreni smo prisustvom i entuzijazmom trkača. Učinićemo sve da poboljšamo organizaciju i doživljaj u budućnosti. Hvala svima koji su učestvovali i podržali nas. U nastavku vam dajemo rezultate ankete koju smo sproveli sa trkačima nakon događaja. Oni će ujedno biti i naša smjernica i uputstva kako da poboljšamo sljedeće izdanje trke.


### Godina rođenja?

29 odgovora



### Pol?


29 odgovora






Da li vam je ovo prvo učešće na trail trci?

29 odgovora




Koliko su bile dostupne informacije o trci i organizaciji? Ocijenite od 1 do 5.

29 odgovora




Ocijenite registraciju i prijem startnih paketa od 1 do 5?

29 odgovora




### Ocijenite stazu od 1 do 5?

29 odgovora




### Ocijenite markaciju od 1 do 5?

29 odgovora




### Majica?

24 odgovora




### Medalja?

29 odgovora




### Volonteri?

29 odgovora




### Hrana i piće?

29 odgovora




### Program događaja?

29 odgovora



### U kojoj mjeri bi ste preporučili Ormanj trku prijateljima, ocijenite od 1 do 5?

29 odgovora



Molimo vas upišite sve što mislite da bi trebalo promijeniti za buduće izdanje trke.

17 odgovora

Sve ostaviti isto. Mogućnost uvođenja duže staze

Neki takmičari su se žalili na dužoj trci od 13,5 km svi takmičari nisu evidentirani na kontrolnim stanicama.

samo poboljšati markaciju na stazama

Želim skrenuti pažnju na to da je potrebno promijeniti ponašanje volontera prema ljudima. Takođe, smatram da nije bilo u redu što je startnina bila visoka s obzirom na kvalitetu nagrada. Nadam se da će se uzeti u obzir ove primjedbe kako bismo poboljšali iskustvo za sve buduće učesnike.

Povesti više racuna, tj. unaprijediti organizaciju i izvore informisanja (reklamiranja). Staza je odlična, jednako kao i markacija.

Trake da budu crveno bijele ili neke vidljivije, sve ostalo je top...

Pokušati bar malo smanjiti dugi i teški uspon :)

Markaciju pojačati trakica ne može biti viska i ubaciti još jednu okrijepu na stazi 13.5 km. Također i fotografa još na stazi ubaciti.

Prvih 6 trkača je fulilo putanju utrke jer je na raskrsnici gdje se križa staza nije bilo volontera ili su se ponašali neprimjetno, što ukazuje da su volonteri bili nepripremljeni od organizatora, na jedinoj okrepici je jedva bilo vode i ništa više. Na raskrsnicama moraju biti ljudi koji poznaju osnovne elemente trke.

prvi put na jednoj trci da se ne kreće sa startom u isto vrijeme. to mi nije sasvim jasno. nemam nekih zamjerki. i ovaj upitnik vam je veliki plus...

Bolja markacija

Staza 13 km je podložna skraćivanju na više mjesta, pogotovo ako poznajete teren. Meni to i nije toliko bitno kao rekreativcu ali vjerujem da elitnim trkačima jeste. Boja markacije za jesenje doba nije baš najsretnije rješenje. Vjerujem da je malo okrepa bilo na 13 km, ako neko nije nosio sa sobom hidraciju.

Više stanica za hidrataciju

Volontere

Poderana zastava na vidikovcu :)

1. Vidljivije markacije. 2. Bolja komunikacija volontera. 3. Popraviti stanje na okrepici, ne samo voda. 4. Pokušati popraviti vođenje samog programa. 5. UKINUTI POLASKE JEDNO PO JEDNO. 6. Obogatiti startni paket, za cijenu kotizacije nula. 7. Omogućiti lijevane medalje, ove su čisto razočarenje. 8. Na kraju same utrke prikazati pravo stanje prvoplasiranih, ove godine je prvom uneseno vrijeme na CP tek nakon nekog vremena. 9. Popraviti nagrade za osvajače prva mjesta, nagrade su žalosne bile. 10. Zatvoriti prijave kako se kaže, a ne kada dođe vrijeme utrke da se i dalje može prijaviti. Sagleda se malo konkurencija, ako je blaga prijaviti ću se. Nema smisla nikakvog.

Sve je poprilično dobro, nastaviti kao i do sad a sitnice će se vremenom popraviti.



[www.ormanjtrail.com](http://www.ormanjtrail.com)

<https://www.facebook.com/ormanjtrail/>  
[https://www.instagram.com/ormanj\\_trail/](https://www.instagram.com/ormanj_trail/)  
<https://strava.com/clubs/ormanjtrail>